

КОММУНИЗМЕ

Редакциялэн адресыз: ст. Пычас, Удм. АССР, Коммунальной улъя, 17 номеро корка.

Родной Москваез юн захищать кароно!

Москва доры лыктон-ёсын туж лекесь жугиськон-ёс мыно. Кужым-ёссэ люкаса, резерв-ёссэ вайыса, куд-ог участок-ёсын тушмон наступление нуэ. Кужым-ёсызлэн ялан туж трос быременызы ляд-ясыкытэк, со мерске Москва доры. Куд-ог участок-ёсын тушмон быгатиз азыланьскыны. Октябре Москва вылэ кылдэм кышкытлык али эшино но серьёзнойгес луиз. Со асьмелэсь кулэ каре эшино но юнгес но решительнойгес пездэт сётэмес урмем тушмонлы, солэсь план-ёссэ нош ик пазьгон понна но асьмелэсь родной городмес, асьмелэсь славной столицамес возман понна.

Октябрьлэн нырысь нунал-ёсаз германской командование, кема дасяськемез бере, асьмелэнлэсь трос танк-ёс но авиация люкаса, Москва вылэ ыстиз туж трос кужым-ёссэ. Гитлер торжественно яыз вал, что со, пе,—берпумез но решительной наступление. Немецко-фашистской печать уш-ясыкыса верал-ляз жоген вормонзы сярсь. Красной столица вылэ фашист-ёс соку жутизы впресь кизэс. Но со кизы омыре ик кылиз, Красной Армия шуккетэс палэнтэз.

Гитлерлэн планэз куашкатэмын вал. Озы ке но тодмо вал, что та азартной шудысь, кудыз Германилэсь азыпалан улонзэ карта вылэ пуктит, Россияз зйбет улэ уськытон сярсь йбитэм малпанзэ уз кушты, что та цель понна со нош ик аслэстыз полчищеосэ ыстоз Москва вылэ, что сое со озы лэстыоз немец-ёсты выйлонэ уляны быгатэмез чоже.

Гитлерлэн приказэз германской командование нош ик аслэстыз кужым-ёссэ ыстэ Москва вылэ. Немец-ёс мыно кышканызы. Соос кышкало толкезыт-ёслэсь. Гитлер со оярысь поверак вера аслаз приказаз: „Вуйсь соби-тиосты лядэ басытыса, ука-та ик толалтэз, армилэсь материално ёрмонзэ лядэ басытыса, приказтэ карисько котькыче дунэн матысь дыре басытыны Москва столицаз“.

Немецко-фашистской мерзавец-ёслы уз кылды шунскыны асьме Москвазы! Соос уз аIZE столицаз! Соослы уз кылды асьсэлэн

шокаменызы саптаны московской омырез!

Нырысетизэ фашистской тулкыме пазьгиз Москваез захищать карисьслэн юн пумит-ясьнемзы. Пазьгоно ныктэтиз но.

Москва дорын положение серьёзной луиз. Но кыче благодущие медалуы. Ваньмызлэсь Москваез захищать карисьслэсь кулэ луэ туж бадзым саклык, организованность, котькыче шуг-секытэз гаден пумитаны дасылык. Москва дорын тушмон кугэ вань кужым-ёссэ. Тушмон урмиз. Асьмеос кужмогес луим. Асьмелэн положенимы кыгес луиз, толэзь талэсь азывал сярсь. Соку асьмеос тушмонзэ лудытым ке, солэсь планзэ куашкатим ке, то али асьмеос быгатом но быгатомо но луйськом тушмон вылэ сыче шуккет сётыны, кудыз мед куашкатоз солэсь наступательной кужымзэ но лядомытоз солэсь рад-ёссы.

Москва спокойной но суровой, со вала, что кышкытлык бадзым, что, тушмонлы пездэт сётон понна, кулэ люканы вань ас воляез, мобилизовать карыны вань кужым-ёсты. Асьмелэн волямы вань, кужым-ёсмы вань. Асьме геройёс-боец-ёс трос опыт люказы ни лек тушмонлы пумит нюр-яськонын. Соос тодо, что кема, юн, кужмо пумит-яськонлы уг чыда тушмон, кудыз йырзэ ыштыса кадэ лыктэ асьме позицияс вылэ, со позициясты соге аслаз шойськыныз. Асьме боец-ёс тодо, что тушмон жумме лек жугиськон-ёсын. Тушмонзэ жугоно, зол жугоно, солы сётоно ёвлэ шутэтскыны но, покой но, солы сётоно ёвлэ шунскыны, контраатаксын быдтылоно солэсь улэп кужымзэ, — тушмонлэн наступлениез гульдоз, кызы со трос пол луылиз ини.

Вань кужымез—Москваез захищать каронэ! Гитлер аслэстыз солдат-ёссы носэ „вормыны“ Москваез. Асьме сямен, парусни быдтом немецко-фашистской захватчиёсты!

Москваез захищать карисьсё одиг сярсь гинэ мед малпалозы: **одиг вамыш но берлань вамыштоно озол! Тушмонзэ лэзено озол столица доры.** („Правда“).

Финансовой планэз дыраз быдэстоно

Московской Советлэн торжественной заседанияз лэстыэм Сталин эшлэн докладэз районсь трудящийёслэсь трудовой энтузиазмэс эшино но вылэ жутиз. Великой кивалтисьслэн ётемезлы вазиськыса, колхозник-ёс но колхозницаос, рабочийёс но служащийёс тыршо Красной Армии уногес нянь но мукет сельско-хозяйственной продукт-ёс сётыны, страналы кулэ лунсь вуз-ёс, красной боец-ёслы уногес шунит дйскут, обороналы коньдон. Районсь финансовой актив калык пöлын коньдон бичанэз азинлык орчытэ. Бобья-Учинской сельсовет-я арлы тупатэм финансовой план 22 ноябрь азэлы быдэстэмын 110 процентлы. Заемлы гожемем коньдон дырызлэсь азыло ик бичаса йылпум-ямын. Общественной но партийной организациослэн юрттэмзы улсын налоговой агент Семенов быгатиз коньдон уж-я котьку бере кылылиз сельсоветэз азымынсьслэн радазы поттыны. Семенов эш ас ужаз азинлык басытиз нуналмыс агитация пыр. Та уже со кыскиз сельской интеллигенциез но сознательной трудящийёсты. Сельсоветыс колхоз-ёсын коньдон тырон уж госуарстволы нянь нулон но кутсаькон ужен одиг урвене жутэмын.

Берло дыре ужзэ умоятиз Б. Кибьинской сельсовет-я налоговой агент Волков эш но. Кол-

хоз-ёсысь трудящийёс быдэсто ни госуарстволы сельхозналог но мукет платеж-ёсты тыронзэс. Озы ке но, Волков эш палэнэ кельтиз заемлы гожемем коньдон бичанэз. Облигациослы коньдон тырон план сельсовет-я быдэстэмын 28 процентлы гинэ.

IV кварталэз финансовой планэз район-я быдэстэмын 70 процентлы гинэ. Данакез колхоз-ёс йылпум-яло ни коньдон тырон-я арлы тупатэм планэз, озы ке но вань на сыче колхоз-ёс но, куд-ёсыз укыр бере кельто планлэсь быдэсмонзэ. М. Валожикийнкой сельсоветлэн председателез Камашев но сельсовет-я налоговой агент Соловьевачи но уг солмасыко колхозник-ёс пöлын коньдон бичанэз дыраз быдэстон сярсь, калык пöлын но кычэ уж уг нуо, соин валче IV кварталэз финансовой планэз сельсовет-я 50 процентлы сяна быдэстэмын ёвлэ. Финансовой планэз быдэстон борды туж каллен выро озы ик Туташевской, Н. Юринской но Л. Шудзинской сельсовет-ёс но.

Сельсовет-ёслэн но колхоз-ёслэн председател-ёсы но налоговой агент-ёс тодыса улоно луо, что макем чаялк быдэстомы асьмеос госуарстволы коньдон тырон планмес, сокем бадзым юрттат сётомы Красной Армии немецкой захватчик-ёсты пазьгыны.

К. Русинов, райфолэн заведующоес.



Велиной отечественной войналэн участник-ёсыз.

Н-ской частылы бадзым юрттэт сётиз медсестра Е. П. Ершова. Со мынылиз тушмон пöлы но тодылиз котьмае. Гурт калык сямен дйсыськыса, со ветчылиз тушмонэн басытэм гурт-ёсты, коркаосы пыралыз но котьку тодылиз немецкой войскоослэн кужымзы но составзы сярсь. Кышкытэм разведчицалы Красное Знамя орден сётэмын.

Венгерской солдат-ёс палэнско СССР-лы пумит воевать каронлэсь

Нью-Йорк, 20 ноябре. (ТАСС). „Нью-Йорк Геральд Трибюн“ газетлэн лондонской корреспонден-тэз иворта, что, свободной венгер-ёслэн басытэм ивор-ёс Ниредьхоза городын (Венгрия) алигес мятеж жутизы но Восточной фронтэ мынонлы пумит султэзы. Бугыр-яськонэз зйбыны понна татчы ыстэмын вал полицейской частыс. Солдат-ёс но полицейскойёс куспын ваче пумит жугиськон дыр-я 50 полицейскойёс но 50 солдат-ёс виемын вал. Солдат-ёс пала дурбастыса, городсь калык-ёс ураме потыса демонстрациос орчытизы. Демонстрация потэм-ёс полицейез из-ёсын лэзязы. Корреспондент озы ик иворта, что Венгриясь нимыстыз суд-ёс, куд-ёсыз эскерыло саботаж лэстыэм понна янгыше уськытон ужпум-ёсты, алигес одиг арня куспын 136 таёе ужпум-ёсты эскерязы.



Фронт дурын.

Калык гудэ противотанковой гуосты. Л. Великжавинлэн фотоес. ТАСС-эн фотохроникаез.

ТАСС-лэн опровержениез

Японской агентство Домей Цуси ивортиз, что советской солдат-ёслэн группазы 16 ноябре Манчжурия станцилы 40 километр ке-

мын манчжурской граница вамен потаз, пе. Вачепумит ыбылськон дыр-я, пе, одиг советской солдат виемын но кыкез кутэмын. ТАСС уполномочить ка-

ремын вераны, что та иворгончик зэм ёвлэ, советской солдат-ёслэн группазы ёз пота, манчжурской границаз чык нарушиты ёз кары.

Советской войскоослэн ыштонъёсы сярысь гитлеровской фальшивомонетчикъёслэн серемес пъяськонзы.

3 октябре радио пыр, 2 октябре немецкой армилы приказ Гитлер ушъяськыса ялыз вьль наступленилэн кутсконэз сярысь. Гитлер немец'ёслы сязиз, что та наступление советской войскоослы бырымон шукет сётоз но йылпум'ямын луоз тол вуэмлэсь азьло. Озы ке но, кызы шуэ зуч пословица: „Уйвот кышкыт, но инмар уз кельты ай“, Гитлерлэн сйзем наступлениез кутскиз... но дыбыр куашказ. Тол вуиз, нош советской армиос, лябомем гинэ овёл, войналэн тылаз эшшо но юмазы, гитлеровской грабьярмия ноц, тэйзем, дйськуттэм но сютэм, кезытлэсь но сютэм улонлэсь пиньзэ сыске. Немецкой калык азын Гитлер ассэ эшшо одйг пол возматйз демагоген но пъяськисен. Сыче возыт куашканэн валче Гитлер табере немецкой калык азын вы'ысь костаськоно луэ кый муэн но выльсь пъяськоно но алдаськоно, алдаськоно но пъяськоно луэ.

Германысь калыкез буйгаторн повна, война куткем дырысен 5 толэз ортчем валче, немецкой армиян командованиез пъям но серемес лыдпусъёс ялыз советской ыштон'ёс сярысь. Тани со осконтэм лыдпусъёс.

22 июнысен 20 ноябрьоз ортчем дыр куспын немецкой войскоос 3725 600 пленноэсты бастызы, пе, пазгызы, пе, 339 большевистской дивизиосты. Советской войскоос, пе, ыштйзы 8 миллион солдат'ёсэс, 22 сюрслэсь уно танк'ёсэс, 27 сюрс орудюсэс, 15454 самолет'ёсэс, уно военной но торговой корабльёсэс. Нош таин большевикъёслэн ыштонъёсы уг быро на. Немецкой войскоос бастыллям на, вылэм, 75 миллионем калыкен музьемез но та музьем выльсь военной заводъёсты, куд'ёсызлэн огъя производительностьсы сөставлять каре совет'ёслэн быдэс военной промышленностьсылэсь куинь нывльмос люкетсэ.

Гитлер но солэн командованиез серекъян сярысь джыт ке но малпасалзы ке, соос сыче серемес лыдпус'ёсты ялон азияз даспол эскерьсалзы соосты. Зэмзэ но: советской войскоослэн улэп кужымен но техникаен ыштонъёсы сыче бадзымесь ке, малы гитлеровской воинство оз вуы на Уральской гурезьёс сьбры, малы Москва дорын со огиттыяз лёгаське на? Уга, меда, ожмасько ушъям гитлеровской бандаос тол вукоослы пумит?

Тодмо ни, что нокыче 75 миллионем калыкен музь-

емез гитлеровецъёс оз бастылэ. Гитлеровской грабитель'ёслэсь, эриктэ-масьёслэсь но выльсьёслэсь кион амал'ёсэс тодыса, советской калык ваньмыз сямен ик ас дыраз эвакуироватьсэ кариз Советской Союзлэн шунды жужан пал район'ёсэз. Нош со калык, кудйз оз вуы немец'ёсын огдырлы бастэм район'ёсысь потыны, захватчикъёсты пумтэм адземпотостэм каре, ма сярысь тужгес тодоно луэ партизан'ёслэн синмаськымон уж'ёсысьтызы.

Военной заводъёсты но немец'ёс оз бастэ. Немец'ёсын бастэм район'ёсысь вань военной заводъёс эвакуировать каремын Советской Союзлэн шунды жужан пал район'ёсэз, соос пöлысь уноосыз выльинтыын сёто ни Красной Армия танк'ёс, самолет'ёе, пушкаос, боеприпас'ёс. Ожыт лыдзем предприятиясты, куд'ёсэ оз кылды эвакуировать карыны, немец'ёс зэмзэ но бастызы... нош бастызы куашкатэм'ёсэс гинэ, советской войскоосын пуштытэм'ёсэс но быдтэм'ёсэс гинэ. Кызы тодмо луэ выльын верамысь, гитлеровской подручноёс советской ыштон'ёс сярысь лыдпусъёсты лэстыллям та'че амалъя— „ярастэмзэ эн кызы, пъяны нош эн люкеты“. Нош султэ на та'че юан: малы гитлеровской заправилоос котькызы вератэк туртско асьсэлэн аямыосын но техникаен ыштонъёсы сярысь? Кинлы, немец'ёслы сяна, тодыны кулэ кад ас ыштонъёсы сярысь, озы ке но соос шып уло, ымазы ву зузиллям кад. Та юанлы одйг сямен гинэ вераны луэ—немец'ёс сыче уно адямиосэс но техниказэс ыштйзы, что Гитлер но солэн бандаез кулымон кышкало немецкой калыкы вераны немецкой армиян ыштонъёсыз сярысь. Нош чынэз уд ваты. Со чынэз тодыны кутске не-

мецкой калык но. Кызы бен уд тоды, куке котькудаз сямен немецкой семьяын вань вием яке сьсыр-мем адыми.

Войналэн 5 толэзёсныз куспын бастэм ыштонъёс сярысь та'че лыдпусъёсты вераны луоз:

Немец'ёслэн ыштон'ёсы: 6 миллион мурт ёрос вием'ёс, сьсырмем'ёс но пленноёс; 15 сюрслэсь ятыр танк'ёс; 13 сюрс ёрос самолет'ёс; 19 сюрс ёрос орудюс.

Асьме ыштон'ёсмы: 2 миллион 122 сюрс адыми, соос пöлын: 490 сюрс вием'ёс, 1 миллион 112 сюрс сьсырмем'ёс, 520 сюрс ивортэк бырем'ёс; 7 900 танк'ёс; 6 400 самолет'ёс; 12 900 орудюс.

Пленной'ёслэн верамысьтызы адске, что тол, кудзэ лыдэ уг басты вал немецкой командование, немецкой солдат'ёс пöлын уно висён'ёсты кылдытйз. Войналэн пумтэм кыстыськемез, армиян урод снабженез, кезыт'ёс эшшо но уродмытйзы разбойничьей фашистской армиязэс физической но моральной состояниез.

Сычсесь гитлеровской но советской войскоослэн 5 толэзьем войнаын ыштон'ёсы сярысь зэмос но шонер лыдпус'ёс.

Озы ке но, тушмон уг учкы ыштон'ёсы: шоры, со азылань мывыны мерске на. Со берпум кужымзэ понэ Моеквез бастон понна. Нош уж'ёс пъяськис Гитлерлэн мылпотэмез'я гинэ уг луо. Уно миллион'ем советской калык но солэн Красной Армияез войнаез йылпум'ялозы тушмонэз пумозяз быдтыса гинэ. Тушмонэз быдтон кутскыны кулэ Москва дорын.

СОВ. ИНФОРМБЮРО.

СССР-ысь кузпалтэм, огназы ульсь но нылпитэм граждан'ёс вылэ налог сярысь СССР-лэн Верховной Советэзлэн Президиумезлэн Указзэ

СССР-лэн Верховной Советэзлэн Президиумез пуктэ:

1-ти статья. 1941 арын 1 октябрысен тупатон СССР-ысь огназы ульсь но нылпитэм граждан'ёс вылэ налог.

2-ти статья. Налог тыроно луо огназы но семьяен ульсь граждан'ёс, куд'ёсызлэн нылпиоссы овёл, 20 арезкысен 50 аресозь пиосмурт'ёс но 20 аресысен 45 аресозь нылкышноос.

3-ти статья. Налог тыронлэсь мозмытско:

а) военнотрудовой'ёс но соослэн кышнооссы;

б) средней но высшой учебной заведениосын дышетскис'ёс: пиосмурт'ёс 25 аресозь но нылкышноос 23 аресозь;

в) пенсионер'ёс;

г) сы'че нылкышноос но пиосмурт'ёс, если одйгезлэн кузпаллэн тазалыкез'я нылпи ваемез уг луы шуыса врачебной комиссиян решениез вань ке.

4-ти статья. Рабочий'ёс но служащий'ёс вылэ но подоходной налог тыронъя соосын чашатэм граждан'ёс вылэ налог лыд'яло предприятияос, учреждениос но организациос соослэн ортчем толзэс уждунзы но налог бастыське та толэзьян нырысетй жыныез понна уждунысь та'че размер'ёсын:

а) толэзьян 150 манетозь уждун бастысьёслэсь—толэзьян 5 манет;

б) толэзьян 150 манетлэсь уно уждун бастысьёслэсь—уждунысьтызы 5 процентозь.

5-ти статья. Литератор'ёслэсь но искусствоын ужасьёслэсь налог лыд'яло предприятияос, учреждениос но организациос соослэн уждунысьтызы 5 процентсэ но налог бастыське котькудзэ уждунэз тырыку.

6-ти статья. Мукет'ёсызлэсь, та Указлэн 4-тй

но 5-тй статьяосаз возматымтэ граждан'ёслэсь, налог бастыське:

а) подоходной налог тырысь граждан'ёслэсь 5 процент бастыське соослэн со доходысьтызы, кудйз'я туэ понэмын подоходной налог;

б) колхозник'ёслэн хозяйствоосысьтызы но единоличной крестьянской хозяйствоосысь—арскын 100 манет;

в) подоходной налог тырысьтэм'ёсызлэсь но сельхозналог тырысьтэм хозяйствоосысь граждан'ёслэсь—арскын 60 манет.

7-ти статья. Сы'че граждан'ёс вылэ, куд'ёсызлэн, мед'яськыса ужамлэсь но литература но искусство бордын ужамлэсь сяна, подоходной налог улэ шедись мукет доход'ёссы вань, ужан интыязы сяна, налог понйське та Указлэн 6-тй статьясызыз порядок'я.

8-ти статья. 6-тй статьяын верам плательщик'ёс налогзэс огында люкетон тыро 4 срок'ёсы: 1 апрел'эз, 1 июл'эз, 1 октябрыз, 15 декабрыз.

10-ти статья. 1941 ар понна налог тырон срок тупатон 1941 арын 1 декабрыз тырыны.

11-ти статья. Налог тыроно карем граждан'ёслэн нылпиоссы вордскем дыр'я, налог уг бастыськы ни нылпи вордскем бере тыронлэн мукет срокез дырысен.

12-ти статья. Та Указзэс быдэстон сярысь инструкция поттэ СССР-лэн НКФ-ез.

СССР-лэн Верховной Советэзлэн Президиумезлэн Председателез М. КАЛИНИН.
СССР-лэн Верховной Советэзлэн Президиумезлэн Секретарез А. ГОРКИН.

КУТСАЬКОНЭЗ ОРГАНИЗОВАННО НУОНО

Районысь колхоз'ёс кутсаськонэн бере кылэ на, азымынсь колхоз'ёслэн лыдзы ичи. Куд-ог колхоз'ёс быдто ке ни кутсаськонзэс, уно кылем'ёсыз туж каллен кутсало. Көнъялы ке умойгес мынэ кутсаськон Александровской, М. Валожикинской сельсовет'ёсын. Соос мукет сельсовет'ёс сярысь чалыгес кутсало, нош озы ке но соос но уг быдэс'яло кутсаськон графиксэс. „Активист“ колхозлэн, кылсарысь, кылемын 265 гектар выльсь юн'янь кутсанэз. Сы'че положение уг висыты лэся колхоз кивалтысьёсты: нуналлы 4 гектар выльсь сяна уг

кутсало татын. „Коминтерн“ колхозлэн 342 гектар выльсь юн'янь кутсанэз вань, нош кутсаськон сельхозартельын туж каллен мынэ, нуналлы 2,5—3 гектар выльсь сяна кутсаса уг вутто. Сы'че ик ужпум „Горд ударник“ колхозын но. Александровской сельсоветысь куд-ог колхоз'ёс кутсаськонзэс быдэстонлы матын ни, Калининлэн нимыныз нимам колхозлэн, кылсарысь, 20 гектар выльсь гинэ кутсанэз вань на. „Искра социализма“ колхозлэн—40 гектар выльсь. Нош мукет'ёсыз колхоз'ёс яке туж каллен кутсало, яке куд-ог нуналэ быгтыр уг

кутсало. Татысь колхоз'ёслэн кивалтысьёсы буйгатско, лэся, соин, что соос быдэстызы ни государстволы нянь нуон планзэс. Сы'че буйгатскон укыр жегатэ ужлэсь мынонзэ.

Кутсаськон—важной государственной уж. Вань кужымез пононо та ужез вакчи дырын йылпум'ян понна. Соин асьмеос юртымы асьме Красной Армиямы, асьме Красной Флотлы. Ждытэк ужаса дуромы сьбд тушмонэз вормонмес.

Н. Конюхов, Бэрэзина.

Страховой коньдон тыронзэс быдэстызы

Родина азын обязательствооссэс быдэс'яса, Б.Кибинской но Александровской сельсовет'ёсысь колхоз'ёс быдэстызы туарлы тупатэм страховой коньдон тырон планзэс. Васильевлэн нимыныз нимам колхоз, кылсарысь, вань вал'ёсэс добровольно застраховать кариз но коньдонзэ ваньзэ тыриз.

И. Корнев.

Отв. редактор М. А. Шарипов.

УАССР, ст. Пычас, Издательствоослэн но Полиграфилэн Управленизылэн типографияез.
Тираж 1415 экз. НР 2597.

